

23
Von gottes genaden Wilhelm vnd Ludwig gebüeder Pfaltz-
grauen bey Rhein Herzogen in Oberr vnd Niderrn Bayern ic.

hün allen vnd yeden vnsern Pflegern/Richtern/vnd Amtleuten/so von vnns Reichsverwaltung haben/vnd denen diser vnser offener brief/ zuegebracht wirdet/ zewissen/ Das wir mit gemainer vnser Landtschafft/vnd derselben verordnemtem Ausschuss/vnd Anlegern/von wegen der Christennlichen Anlag/ so auff negstgehaltem Landtag zu Nünchen von allen Ständen bewilligt ist/vnns solher Anlag/anlegens/vnd einbringenshalben/vnder andern entschlossen haben/das allenthalben in vnserm Fürstenthumb/mit allem ernst gebotn/verschafft/vnd verfügt werden solle/wie dann in Anlagen hievor auch geschehen ist/Das sich die Sehalten auf dem Lande vor einbringung derselben bewilligten Anlag/aus Iren dienssen/oder aus vnserm lande (in maynung solher vorgemellter anlag zueempfliehen) mit thün sollen/Sy haben dan davor irer herschafft die Anlag/so inen nach vernüg der Instruction zubezalen gebürn/vnd auferlegt wirdet/an irem lon innen gelassen/oder sonst vberantwort. Demnach beneheln wir Euch mit gantzem ernst/das Ir solch gebot zefundan/vor den Kirchmenigen vnd versamlungen des volchs/offentlich berueffen lasset/damit dem gehorsame volziehung geschehe/vnd ain yeder sich vor nachgesetzter straff vnd schäden zueuerbüeten wisse. Welcher Behalt aber solches vbertretten wurde/von demselben sollet Ir zustraff zwifache Anlag nemen/vnd einbringen/Defgleichen sollet Ir es gegen der Herschafft/die Iren gehalten wider dise ordnung wissenlich weghzueziehen gestatten/mit der straff auch halten. Ob auch ain Behalt mit seiner herschafft aufgedingt hette/ine Streüfrey gehalten/das sollet Ir thains wegs zuelassen/Sonnder die Anlag von des Sehalten lon/einbringen/Auch denselben Behalten/wo er das Anlag wiewoisset auch straffen/darzu haben/vnd an seinem lon mit abziehen lassen woltte/darumb mit zwifacher Anlag wiewoisset auch straffen/darzu ain gewisheit/oder gelübde von demselben Sehalten nemen/seinen hern wider weiter darumb mit anziehen/des wollen wir vnns genniglich verlassen. Datum vntter vnserm hiefürgedrucktem Secrete in vnser Stat Nünchen/als man salt von Christi vnser lieben herren geburde fünffzehnhundert vnd im fünffvndvierzigstem Jar.